



Claudii Fleurii Abbatis Historia Ecclesiastica

Ab anno Christi 1549. usque ad annum 1551 - ... Atque Tabulis
Chronologicis Ab Anno Christi 1000 Usque Ad 1595 ...

Fleury, Claude

August. Vind. [u.a.], 1770

VD18 90118537

§. 96. Petrus Strozzius unacum copiis Parmam ingressus.

[urn:nbn:de:hbz:466:1-66584](https://nbn-resolving.org/urn:nbn:de:hbz:466:1-66584)

auſti eodem tempore Parmam ſimul, Sæcul. XVI.
A.C. 1551.
& Mirandulam cum tanta animi fortitudine aggrediebantur, & cunctam regionem qua late patet, tanto furore devaſtabant, ut Briſiacus reſiſtendo impar unice hoſtem aliorum divertere ſollicitus eſſet: unde exeunte menſe Auguſto Pedemontium, inde vero Montferratum contendit, ubi Chierium, S. Damiani oppidum, aliasque urbes ſuis armis ſubegit. Hujus irruptionis fama commotus Gonzaga Parmenſis urbis obſidionem ſolvere compellebatur, veritus, ne hoſtis ſeſe in Mediolanenſem Ducatum effunderet. Hoc factò Paulus Thermus Parmam, Sanſacus vero Mirandulam ingreſſi ſunt, utramque urbem propugnaturi.

§. XCVI.

*Petrus Strozzius unicum copias
Parmam ingreſſus.*

Præterea Galliarum Rex, ut majori ſecuritati proſpiceret, Petrum Strozium cum valido peditum agmine, necnon Horatium Farnesium Caſtrenſem Ducem cum equitum cohorte in Italiam ablegabat. Igitur Strozzius per Helvetiam tranſiens, toto ſtudio Concordiam Thucan. l. c. petiit, ibidemque rupta omni mora Reggium contendit, ubi intra exiguum

U 5 tempo-

Sæcul. XVI. temporis spatium residuas quatuordecim leucas emensus Parmam ingressus est. A.C. 1551. Hujus Viri adventus, quo minus erat expectatus, eo magis urbis cives, præcipue vero Octavium ingenti solatio, ac lætitia recreabat.

Cum autem Cæsaris arma in Italia haud adeo magnos facerent progressus, ejusdem Ministri majori inde odio in Gallos concitabantur, eosque immerito redarguebant, quod Octavium in suam tutelam recepissent specietenus quidem, hunc supplicem defensuri, re tamen ipsa, ut Italiam bello opprimerent, atque inter Christianos dissidia seminarent: „ Hanc ob rem, inquebant ipsi, „ Henricus II. Galliarum Rex sollicitavit Imperii Ordines & Principes, ut „ a Cæsare deficerent; neque Galli in „ Concilium, quod ipsorum rogatu Cæsaris ad faciendam Ecclesiæ concordiam coëgit, consentiunt, missis Legatis, qui contestarentur, & illud pro „ irrito Gallos habituros denuntiarent. „ His addebant: „ Rex nuper Brissacum, „ ut belli occasionem quæreret, in Subalpina regione cœnobium, quod Bargæ pagi a Cæsarianis custoditi ditioris est, occupavit, & festinato opere nunc munivit. „ Præterea iidem Cæsaris Ministri, ut Gallicam Nationem summa invidia onerarent, nuper etiam Regem

Regem cum Turcis in Christiani nomi-
nis perniciem foedus inisse spargebant.

Sæcul. XVI.
A.C. 1551.

Verum Galli, ut hasce criminatio-
nes diluerent, Cæsari Carolo V. hæc
objectabant: „Cæsar, cum Aquitania
„ tumultibus, & seditionibus arderet,
„ misso Burano Comite cum Anglis e-
„ git, ut Burdigalensium tumultuan-
„ tium tutelam fusciperent, & jus,
„ quod in Aquitania armis amiserant,
„ jure recuperarent: insuper pace ante
„ biennium cum Anglis facta Santan-
„ dreano e Britannia redeunti infidias
„ tetendit, & quasdam e Gallicis na-
„ vibus per Belgas interceptit, necnon
„ Helvetios, quo minus cum Rege fœ-
„ dus renovarent, sollicitavit, postre-
„ mo Cæsar Carolo Marillaco Veneto-
„ rum Episcopo apud Regem Oratori
„ injuriose comminatus est, fore, ut si
„ res ad arma deveniant, Cæsar Regem
„ ad infimam conditionem redigeret.”

§. XCVII.

*Gallarum Regis interdictum de pe-
cuniis Romam mittendis.*

Postmodum summus Pontifex, cum pro-
fana in Galliarum Regem arma con-
vertisset, simul etiam injuriam sibi ab eo
illatam spirituali gladio vindicare statuit;
quapropter Regem anathema incurrisse
decla-

Sleid. p. 821.

decla-